

四庫全書

集部

欽定四庫全書

集部

御製詩二集卷四十二

詳校官尚書臣德保

助教臣常循覆勘

總校官原任中允臣王燕緒

校對官學正臣卜維吉

謄錄監生臣謝蓮鰲

欽定四庫全書

御製詩二集卷四十一

古今體一百九首

癸酉四

孟夏時享

太廟

鳳紀純乾月  
鸞韶清徵音

神功欽在昔

聖翼逮斯今  
濟濟宗潢列  
綿綿瓜瓞尋  
永思有所本  
愛

敬益殷心

賦得九歌揚政要疊舊作韻

重華紹帝德天覆海同涵咨儆籌教養脩和叙六三昔

吟惟誌仰

此題向日  
窗前作也

今法祇增慙攷矻猶瞠後遑言正

面南

題張宗蒼畫

四家法不較誰能老筆天然格韻勝便合人間稱畫伯  
只疑林下有歸僧構亭納得煙霞氣掃逕延來松竹朋

可識此中通學理諸凡要欲共年增

帝都篇

有序

帝都者唐虞以前都有地而名不著夏商以後始  
各有所稱如夏邑周京之類是也王畿乃四方之  
本居重馭輕當以形勢為要則伊古以來建都之  
地無如今之燕京矣然在德不在險則又鞏金甌  
之要道也故序大凡於篇

天下宜帝都者四其餘偏隘無足稱軒轅以前率荒略

至今涿鹿傳遺城豐鎬頗得據扼勢不均方貢洛乃營  
天中八達非四塞建康一塹何堪憑惟此冀方曰天府  
唐虞建極信可徵右擁太行左滄海南襟河濟北居庸  
叶會通帶內遼海外雲帆可轉東吳杭幅員本朝大無  
外丕基式廓連兩京北京順天府  
盛京奉天府我有嘉賓歲來集無  
煩控御聯歡情金湯百二要在德兢兢永勗其欽承

皇都篇

有序

皇都者據今都會而為言約形勢則若彼詳沿革

則若此蓋不如研京十年練都一紀鴻篇巨作纂  
組雕龍若夫文皇傳十首之吟賓王構一篇之藻  
節之中和固所景仰歸於睽遇亦用興懷俊逸清  
新古人蔑以加矣還淳返樸斯篇三致意焉

惟彼陶唐此冀方上應帝車曰開陽軒轅臺榭雖莫詳  
職方有幽無徐梁要之幅員長且廣叶山河襟帶具大  
綱列國據此士馬強可以雄視諸南邦遼金以來始稱  
京叶閱今千年幾天閭地靈信比長安長玉帛奔走来

梯航儲胥紅朽餘太倉天衢十二九軌容叶八旗居處  
按界疆朱樓甲第多侯王槐市陸海無不藏富乎盛矣  
日中央是予所懼心徬徨

雩祭齋居

甘膏霑暮春麥壠蓬蔥翠大田亦已播南畝無閒地比  
似向年間籌農心實慰常雩此致齋敢忘勤民事族雲  
傍晚濃希霖仍切意澤豈辭其優況乃逾旬既風勢漸  
刁騷又覺愁弗置



常雩行事於

祈年殿以是年鼎新

園丘禮成敬述

辰見夏維孟常雩舉盛儀春畝深誌慶時澤更希垂

寶構方新煥

璿壇暫奉移祈年誠有素即事倍乾寅

首夏御園

裡祀次第舉法宮致虔齋歲事臨御園綠濃映樓臺韶

華荏苒去清和宛轉來階前木芍藥幾朶迎曦開嬪代  
不假借即景聊澄懷

浴佛日萬壽山作

早建精藍號報恩

大報恩延壽寺在山之陽為  
皇太后六旬大慶敬建

節傳浴

佛禮祇園無生安得有生日是法端知非法門花塢漸  
看紅意減林扉又覺綠陰繁昆明不異尼連水八德恒  
供兩足尊

自玉河泛舟至玉泉山

渚宮通一水泛覽乘餘閒兩岸畊織圖民務取次看新  
蠶已分箔初秋綠針攢林翠巖鳥聲啁噍復間關半月  
未命遊景光頓改觀浩劫浴佛日視此一指彈

題玉泉山羅漢洞

煙霞蔚峯腰松篁匝洞口如如應真輩洞裏乾坤守常  
教月印心不礙樹生肘每來尋故蹟是豈非昔有點綴  
一新之將毋著相否

即事

卓午欲作風少風繼以雨傍夕漸廉纖延望巡檐宇入  
夜亦就寢浙浙聽隔戶夢迴問中人云已晴久許愁餘  
慰不期慰餘愁益苦春膏消息佳祈農切懷緒

復雨

復雨無端旋復晴未霑安得釋予情了知十日期堪待  
為惜三春望已盈

題張宗蒼秋景畫

秋林策蹇過溪橋屏嶂猶濃翠可邀落葉打頭不須拂

簪花也擬傲青韶

書通鑑續編宋主答徐鉉事

藝祖志一統命師伐江南卑辭徐鉉來稱如事父嚴父子而兩家不可何待占緩師復遣求論辨徒詹詹榻側難容睡按劒叱何慙嫚罵如沛公創業多直談更能用曹彬禁暴恢海涵一時王業定太平引養恬時泰作廣義吹求致苛纖謂徐鉉辱君諛頌失太謙更為設若詞包茅問貢拈濶論名有無詭辨逞咄誦有如愛二毛宋

師無救殲辭費申臆見史義何曾探昌黎有定評責人  
詳已廉

遣興

午晴晚陰連三日時霏細點復一律麥收三月雨已占  
邇來恒患將得失族雲作勢風屯之問夜每愁星月出  
比似常年聊自解迴憶今春越勤恤際和曾未敢宴安  
望澤惟益增虔慄匪愁不雨雨不霑惠民自戒名鮮實  
恰如五指之更彈不若捲手之一拵

聞河南收麥誌慰

天中風土暖麥收常早時春膏向悉霑近况曾未知忽  
接方伯奏大慰懸望思入夏雨既佳豐秋定可期因恐  
賤傷農倉貯亦借資官糴籌補足賈湧即罷之居奇更  
預防擘畫皆合宜皇州春如豫邇來望雲霓數日雖可  
待一時難置懷<sup>叶</sup>愁中聊因慰慰遠愁近茲

宴西洋博爾都噶里雅國使臣

越紀一來庭條枝隔大漠度能遵禮典名未著山經勤

遠非吾事柔遐藉國靈指南漫漫須賜彼自解瞻星

版築圖

無論一藝未曾試且是三篇尚待陳效彼徵圖旋命相  
寧無浮議動今人

躬詣

黑龍潭祈雨

五日麥期迫十日禾期臨連塍雖遍綠益用愁予心乃  
知春澤佳猶資夏澤深不雨已彌月勃長羈秧鉞邇日



雲屢作每為風威侵細點何嗟及問夜憂披衾凌晨詣  
靈潭聊當禱桑林孜孜藉夙佑惕惕申今忱迴轡瞻杲  
杲首疾以呻吟

遣憂

先憂云有濟所貴憂則無無解憂益深憂先意實孤蘊  
隆象已見麥秋望幾虛猶冀獲半收終藉甘膏濡待雨  
刻不寧一日三秋如期麥翻惜時今昨迅須臾作詩聊  
遣憂憂豈易遣乎惟希尺澤霑惠我三農夫

御門日微雨

問夜非因荅封事邇來盼澤惕衷情剛聞稀點如前日  
徒劇殷憂閱四更優渥詎能蘇麥黍慙惶何以對公卿  
一堂同切祁祁願辰告伊誰贊我誠

漫興

麥期十日惜如流細點頻霏尚未優更厯先憂慮禾黍  
那饒閒緒對蒲榴勅幾每慙去聲休徵致攬景還慵藻思  
拙言志聊因酬結習我非甫也近多愁

喜雨

四月三十日

欲獲猶慳意越忙中宵霧霽勢方長過時始沛寧云若  
徹夜無眠審不妨黍隴定知遍回槁麥疇還及乍抽芒  
敢因慶慰忘憂惕昭受心惟勵自強

蠲疾端稱醫世藥解愁真覺沃心田自憐幸爾消千慮  
了識如斯迅百年聊復逢欣開意慈真教聽雨發言泉  
畿南近遠均霑否數漏聲中望又懸

題張宗蒼畫

雲氣幻峯青飛泉落碧冷不安高士榻留與世人聽

復陰

甘澤纔旁獲濃雲復下垂已深起枯感又切繼優思開  
牖凝睇遠摘毫得句遲自予試絜矩知足信其誰

詠古

西秦攻趙急求齊救斯須為質要長安割愛其忍諸唾  
面待朝臣強諫亦奚如觸讐願言見太后盛氣需謝病  
艱疾走頤乃徐步趨媿媿詢食飲不和色自無憐息請

黑衣亦愛少子乎得間遂進辯用愛非區區始言送燕  
后乃計久遠圖長安宜有託惑解為約車策士誠足奇  
趙后終非愚匪石設固拒口舌終難孚盡信不如無史  
然況其餘

端午日奉

皇太后觀競渡

宿雨初晴霽景鮮承

歡行慶荅芳年惟欣愛日臨

任輦詎擬薰風入舜絃畫鷁飛波迅於鳥綵絙界道直

如弦遠人許預天中賞欲使重瀛盛事宣

是日西洋博爾都噶里雅

國使臣亦命  
入御園觀覽

### 仲夏萬壽山

彌月望甘雨心愁遊興踈今來佳節過幸值渥霑餘觸  
景足生趣湖山盡起予針芒刺早稻田葉點新蕖林煦  
鶯遷木沉香燕賀居屬吟稍染翰亦欲悶懷紓

### 清可軒

羅逕披芬馨林扉入翳蔚岩居夏長寒况經好雨既散  
花作靜供烹茶學幽事綠紗開我牖西山吐雲氣望雨  
如望蜀無厭寧自諱終是憂勞人永言意所寄

觸屏謠

牀下慢睡頭觸屏乃公敦誠胡不聽叩頭前謝道具曉  
大要教調無他營父子密語於暗室屬垣者誰曲盡情  
揚子善用彰父惡叙傳奚為亦致稱

即事三首

麥秋候宜晴謂是優霑耳其霑剛解旱究再雨為美邇日少覺燥雨亦數日矣我又生望心先憂固其理

莅政十八年年愁水旱胡不致時若自問惟慙赧諱飾甚不可此心孚近遠籌補偏救弊曰下益上損

惟古之賢臣條奏水旱事今也不藉一吾勤咨已備兵戈亦幸無敢侈承平瑞恤農時惕心始終勵吾志

戲題小像

郎世寧畫像張宗蒼畫山水

松石流泉間陰森夏亦寒構思坐盤陀飄然衫帶寬能



者盡其技勞者趣此閒謂宜入圖畫匪慕竹皮冠

木假山六韻

既剝辭芳埭成章肖碧岑條枚原好在拱把漫重尋抱  
石標竒嶂生厓憶故林堪因悟名實誰與辨陶陰不遇  
盤根質安知君子心中山蜚藻翰理趣照來今

夜雨

五月  
十日

既渥思頻沛終然解我憂自

天叨貺厚入夜聽聲稠敢詡依旬瑞真消數日愁漏鐘

牕外送擬共號屏留

雨後泛舟由玉河至玉泉山

好雨頻霑心實慰進舟遂造玉泉山  
翠雲堂後撫雙枯  
不爾安能共爾閒

層峰如洗翠陰森雲館還成隔月臨  
過雨林花皆得意  
邇知望雨向時心

宴遊半刻旋清蹕林水牽情漫太頻  
纔覺憂紓慮心泰  
自憐合是解歡人

竹爐山房歌疊惠泉烹竹鑪韻

山下出泉易所聞八功德品梵帙分同歸殊途何思慮  
辭多應始躁者羣知然乃復辨甲乙笑予未足稱絕塵  
前年攬景法雲寺無暇翻彼貝葉文右廊展轉入茶室  
古梅對我吹幽芬竹鼎小試烹玉乳騰聲四百年以陳  
畫圖詩詠萃四卷前呼後唱情彌敦倣製筠鑪忽已得  
底須較量傳火薪靈泉第一況在邇無勞水遞馳紛紛  
山房兩間取素樸土階茅茨匪所云彌月望雨未遊歷

兩足散悶一覽權叶綆汲聊爾事煮瀹惠山清供宛意  
存品題昔已略於近點綴今乃增其新增兮略兮胥遠  
道促旋清蹕延席珍促旋清蹕延席珍我豈高閒啜茗  
人

藻鑑堂

湖上搆疏軒湖色牕中灑虛明涵萬象名之曰藻鑑謀  
目對有本澄心看不厭掠珠燕頤頤吹穀魚喁噉秋夕  
月娟娟春朝風潏潏於水彼曾云於人吾方念

御門日作

勅幾貴不息日日勤政坐折本待緯宣御門時酌妥園  
居即於此此例匪自我夏曉乃峭寒輕風拂青瑣袞袞  
來公卿魚魚咸右左同慰則不無同嘻曷其可

深籌庶事康永戒獨智慮終日不聞過聖賢之所懼庸  
言亦何益實政期有助小節謹其微大綱審其據爾尚  
勗永兢我惟凜朽馭爾我共孜孜無可息肩處

題方琮山水卷

紅樹白雲疊巘蒼最幽奇處有書堂何人攜杖看輞水  
大似維摩華子岡

短歌行

貪者言廉亂者言治雖知其非不如一試血勇面赤神  
勇面白彼勝於此不如無迹責人也詳責已也廉既知  
之矣何用詹詹為臣不易為君實難匪今斯今自古已  
然

湯泉蓮花

暄波能煦嫗嘉植先時芳微露欺南浦猗風入夏堂術  
無藉殷七節每艷端陽得地資菁莪作人興念長

題張宗蒼雪景

疊壁萬林蒼浮來素壁涼郭熙猶刻畫滕六欲軒昂  
屢琳宮聳盥中鳥道長衝寒驢背客未審為閒忙

御湖泛月

桂宇散涼颼琳池澹朗照木蘭試浮弄冰鑑延虛眺望  
前魄早升夏仲暑遲到吟興殊未闌漏聲甲夜報適可

薄言旋秉燭詎宜敷

邇日

邇日頻頻接好音燕南齊晉徧甘霖已生慰後還生懼  
片刻奚當終歲心

取道長河進宮齋戒即目有懷點筆成什

協紀行將舉

北郊致齋清禁徹弦匏稍欣入目秋臨麥益厲因心藉  
用茅



陣雨剛逢盼後施迴青草木揔華滋進舟清曉憑煙景  
敢忘殷憂問夜時

雨好教晴亦不妨曉陰又冀作霖滂較量自是勤農意  
也覺年來意太忙

必告

慈寧曉問安延緣桂擢遡游瀾黍芄麥秀香風裏縹緲  
西池直北看

舟過萬壽寺未入

花宮枕清流催舟未留憩已是少閒人何必耽閒地

樂善園

柳岸維蘭舟沼園閱藻景林深鳥藏聲花繁蝶留影水  
木入畫幽琴書延趣永詎惟耳目新亦因機慮靜少坐  
便命駕寓意還堪省

仲夏瀛臺即景雜詠六首

黃頭艤棹待金鼇太液輕風送畫艘明日致齋遊未得  
好因路便事清遨

紅牆曲折鏡光開  
芝字隄頭聳趯臺  
却笑劉郎虛費事  
遙從海上覓蓬萊

假山樹子近天然  
閱世於今四百年  
恰似雲中吠雞犬  
略因津逮亦成仙

入夏松篁森靜姿  
竹鑪小試午風時  
三間靜室無多子  
何事頻來去每遲

步出松門又放舟  
蕉園鐘磬落聲幽  
橫從玉竦橋邊過  
白塔凌雲更舉頭

樓臺位置規浮玉為愛空明接水天壁上恰書江國詠  
一彈指頃向三年

鄒一桂清溪垂釣

蒲芷掩映間煙水澹沱處釣者本無機羣鷗為誰去

董邦達浮嵐暖翠

句曲春煙泮浮嵐卒未收華陽肥遯處只欠三層樓

張宗蒼秋林燕坐

著論擬樂志構園號離垢秋聲賦不得神託無何有

傳聞

傳聞南省春收好又報齊東待雨遲  
片刻憂欣渾莫定了知百歲祇如斯

夏至齋居

景短日長候分龍占兩朝剛欣五寸繼  
又隔一旬遙塵意依阡畝齋居守禁寮  
扶陽有明訓敢不惕於昭

夏至日

北郊

肅穆

澤壇方綈帷正色黃

明禋茲敬舉品物屆咸章曙氣滌暄鬱朝蟾駐素光年

年躬祀事

厚德沐恩長

雜詩

代御不相藉義車騁炎景靈臺表正短北陸蹕方永在  
易象金柅奉天駟陰靜恭已無始終敷政協寬猛依旬

雨未時惟萬幾堪省何莫匪當憂中宵心怲怲

蜀葵

蜀葵名不一苻菴皆其類豈似秋葵花正色無雜異秋  
葵知向陽堪以興忠摯蜀葵則安能隨方弄嬌媚亦被  
向陽稱仿佛名濫廁詩人貴耳食誰解董狐義青邱詠  
其白應緣別寄意承露固且可經寒忍弗易永念李絳

言

絳言巧拙為真今古同病

因擬狄山刺

山論張湯為詐忠

君子有所思

井眉甃文石轆轤引紈絲絲弱文石堅此理夫人知歲  
月展轉久絲痕石上遺匪施琢磨功縷縷深四圍新絲  
固無恙舊石艱補治乃知弱摧堅其危反難持蟻壤及  
綫溜君子有所思

拂拭青銅鏡欲以照醜美將鏡側置前見他不見已乃  
知明貴正苟偏明蔽耳鉤距有窮機尺楮無盡理君子  
有所思萬物備我矣

熱



祝融扇暄颺號屏輯時澤解作將半月繼沛懸望亟或  
云五月旱俗諺利收麥麥已失豐秋甘膏尚可惜禾黍  
正抽苗汜穫資霑尺延佇勞坐起煩歎侵几席林苑有  
如此閭閻越逼窄兩月三愁旱今畝較尤劇調劑無良  
方咄咄復奚益

鄒一桂松菊圖

蒼官壽客結好友白石青莎依秀原廣羣芳中誰冠冕  
兩先生實貴邱園臨風聽擬濤湔俗袞露餐餘英雪煩

疑是歸來三徑日陶家高致喜猶存

六月朔日作

希膏方半尺稽澤又兼旬月已夏云季雲將雷尚屯  
農愁壤槁問夜步檐巡黑蜺何時應如傷愧視民

清暉閣

廣厦軒摩暑不侵墨林義府足探尋年來略識其中味  
饒有憂心鮮樂心

風

雲容欲結還風開何事南薰轉近隕應為邇年春太幸  
只今孤注送愁來

題韓滉田家風俗圖用舊題者韵

灌溉

綠苗秀欲齊穡事忙村莊時澤既未霑翻車引野塘炙  
背相勤劬誰趁午陰涼四民惟農苦哿矣豪富郎

收割

穎粟有次第第三時序匪卒奄觀逮銍艾豈復辭僂折既

以完官租亦將贖私褐贖褐云胡為聊藉禦冬月

登場

宛然覩高廩不諱豐年優多黍復多稌西陌將東疇餘  
三防後歲具四播今秋孰謂農有暇請看食未浮

持穗

顆粒附榦穗敲持要令脫耒聲互應荅喜藉微風發  
手那辭勞震耳何嫌聒遺種可供爨猶省拾棗杵

簸揚

農事合家作乳子背衆前大姑待把穗簸出珠顆圓抱  
哺而併偕赴時彼何專惟是質有禮熙熙樂逢年

礮

初揚藉簸風再礮資石齒有如琢磨功斐然乃君子為  
倉欲潔好為廩欲高峙珍重語兒孫寧容輕視此

春碓

五羊未遇時身世輕一葉豈知功業成感深相杵荅既  
春亦既碓玉粒期甘滑厭彼機心轉寧吾胠足躅

簾

老翁坐風簷吐吐課細簸將以輸天庾笥三豈謂過粗  
粃詎狼戾得飽雞豚賀癡孫莫喚嫗嫗孱正酣卧

入倉

簾簾既備功嘉穀應登庾湫濕防黴浣高墮為廊廡我  
屬望甘霖愁心日旁午展此冀紓懷終風又彭怒

習字慢成

襄陽曾有言書紙十萬整散布在人間仍以娛老景持

出少年書欲換人不肯不識乏姿媚入道天然境英雄  
善欺人至今聲譽炳我亦屢更書惟因遣日永前後試  
校衡犁然不可並斯之未能信儒臣慢相請儒臣亦有以舊字不  
必換為言名手曰張愷技同運斤郢善去舊者蹟如空不留  
影問其質為誰冷金端本等惟宋紙可刮除金粟  
賤即稱脆不可為事必  
有其類藝苑新聞耿十萬不為少顛翁猶勤黽至今存  
幾紙愛書人可省

再詣

黑龍潭祈雨

稽膏又彌月申悃此重過筮詎辭三瀆事誠較六多慝  
心凜

天誠覲面冀

神和羞卜通靈蜴忍看欲槁禾預齋盼霽霏迴馭未滂  
沱莫聽真無術惟應喚奈何

夜雨

雲作望益切雲散愁弗置初零未敢信旋濃轉生畏片



刻緒萬端誰能高枕寐  
澹然乃大沛簷聲注不匱  
瞻天宇溟濛步砌苔漸漬  
庶淨蠲疾病更迴蘇苗穗  
所惜三寸纔未云一犁暨  
旱久利渥霖徹夜憂仍繼  
傍曙雲復生廉纖時作勢  
救急固差佳優霑始深慰

勤政殿對雨三首

宿雨凝雲曉復零  
問安今稍慰

慈寧傳餐甫畢臨勤政  
無逸重書敬揭屏

愁雨三凡喜雨三  
既優既渥此真甘  
臣工謾道子心慰

未抵予心致慰慙

欲喜還驚又近愉滿盈志敢蘊斯須分無後樂先憂有  
百歲如流例此乎

溪亭雨中即景

急點徐絲縱復橫披風襟袖颯然清底緣泚筆艱佳句  
邇日憂深意未平

水閣珠簾面垂幾餘清切坐來宜高低楊柳舞無定  
舒卷煙雲態越奇

迴青禾黍綠鋪塍晏坐溪亭漲影增略有閒心攬煙景  
將無即此忘兢兢

題張宗蒼雨景畫

千澗落飛瀑萬樹霏寒珠雨來風滿樓漲增橋接湖我  
因愁無聊漫命為此圖筆意信通靈甘澍旋霑濡畫壁  
龍飛去古有今豈無

雨後萬壽山八韻

彌月緣希澤愁深農苦辛今朝經大霈幾暇命遊巡適

以紓懷鬱果然入目新溪聲喧有漲峰色淨無塵晝為  
夏長靜天如雨後仁耕耘催亞旅草木長精神謂是忘  
憂地虞非克念隣山靈如藉問合喚箇中人

玉河泛舟至玉泉山

河水一川纔漲碧溪田兩岸總迴青老農額手都生慰  
邠識吾心尚未寧

玉泉未到又多時綠樹陰濃砌草蕤雨洗峰姿饒靜趣  
牕舍水態引清思

山房水齋復雲涯磁鈔鈞鑪本一家何必盧仝太酣放  
每來消得幾杯茶

香岩室

岩棲聊趁片時間妙得環中中更環棄日雅宜小年景  
構廬恰借嵌空山蟬如佛偈談非口香散天花笑破顏  
未免跼蹐動清戀白雲不共客人還

詣

黑龍潭謝雨

曉露鳴騶爽不炎迴蘇禾黍綠尖尖三朝翻覺難遲待  
一尺何期損渥霑顧諟

帝臨心益惕曰酬

神佑禮遑淹怒如慰後饒清思萬景紛投觸緒拈

遊大覺寺三首

途便尋蘭若雨餘閱夏山不因逢愷澤安得寄幾閒禾  
坂從頭驗蘿蹊信步攀去年題壁句恰是適吟還

隔樾鐘鳴裏上方覲面呈夏深寒柏色雨後壯泉聲巢

已非鳩拙僧如逼鶴清偶來滌塵慮誰解悟無生  
晴晦變峰色都來與畫宜泉誠琴筑耳我亦始終之少  
坐便還去明年又此時情知如幻事留詠定何為

泛月數謝惠連體

日盡西北天月出東海水湖光不礙白霞色仍餘紫懸  
華祝融寒委照冰夷喜沉浮萬狀奇分合一輪是一輪  
當舉頭薄言泛蘭舟在桴弓正滿開奩鏡欲流爭耀螢  
火微弄術周生偷點翰詠今夕屈指待新秋

恭奉

皇太后觀荷詞

望雨時

聖母憂予之憂雨既霑

聖母亦喜予之喜乃敢侍

輦稱慶用荅芳辰天下蒙庥孰非

慈訓之流惠也詩以言志短體二章

好雨均霑既渥優承



歡今始展眉頭蓮花萬朵葉千萬葉花花紀

歲籌

機上天孫錦樣紅納涼水殿暢薰風幾多彤管徽音著  
未擬勤民

此日同

御製詩二集卷四十一

欽定四庫全書

御製詩二集卷四十二

古今體九十九首

癸酉五

題靜明園十六景

廓然大公

聽政之所虛明洞徹境與心會取程子語顏之

沼宮時燕豫召對有明庭即境愛空濶因心悟逝停鑑  
呈自妍醜汲取任罍斡敷政真堪式寧惟悅性靈

芙蓉晴照

峯寧如青蓮華其巔相傳為金章宗芙蓉殿遺址  
名適暗合非相襲也

秋水南華趣春光六月紅羞稱張氏面不斷卓家風無  
意峯光落恰看晴照同更傳稱別殿舊蹟仰睇中

玉泉趵突

泉自山腹漢出燕山八景目以垂虹者謬也茲始  
為正之

濟南

約突

將浙右

虎跑

第一讓皇都

通品名

泉定玉泉為鏡

天下第一詳見記中

水呈功德屏山疊畫圖澗瀝千載利玉帛萬方趨日下

傳成說於今始正誣

### 竹壚山房

南巡過惠山聽松庵愛其高雅輒於第一泉仿置之  
二泉固當兄事

惠泉仿雅製特為構山房調

去聲

水無煩遠名泉即在旁

一時仍漫畫

今春過山房試茗曾手寫為圖題詩置壁間

五字旋成章駢螭

何須慮松鳴真是涼

聖因綜繪

蒼萃西湖行宮八景於山之坤隅恍攬兩高而面  
南屏坐天然圖畫間也

為愛西湖上行宮號聖因園來原恰當構得宛成真鐘  
遞南屏韻山標上竺皴所輸波萬頃却便閱耕畝

繡壁詩態

石崖巉峭壁立名之曰繡取杜老絕壁過雲句意

也

絕壁幻雲煙時開錦繡然名家空濤績大塊不雕鐫留  
此千年意居然四十賢曹劉如降格知復定誰先

溪田課畊

疏泉灌稻畦每過輒與田翁課晴量雨農家景色  
歷歷在目

引泉開溪町不藉水車鳴略具江南意每觀春月畊嘉  
生辨秔稻農節較陰晴四海吾方寸悠哉望歲情

清涼禪窟

佛火香龕儼然臺懷淨域更不問是文殊非文殊  
名山結初地蔥萃四隣通愛此清涼窟常饒松竹風花  
如悟非色鳥解說真空比似白蓮社迴輿笑彼翁

采香雲徑

由禪窟右轉東北行磴道盤紆山苗礪葉馥馥緣  
徑

松徑招提出蘭衢宛轉通植援防鹿逸學圃望魚豐是



藥文殊采非雲八伯叢欲因知野趣匪事慕尊崧

峽雪琴音

山巔湧泉潺潺石峽中晴雪飛灑琅然清圓其醉

翁操耶

搏壁上層椒琤然仙樂調色疑舞滕六製不出雷霄雲  
霧生衣濕川原入目遙置身塵以外得句亦因超

玉峯塔影

浮圖九層仿金山妙高峰為之高踞重巒影入虛

牖

窄堵最高處  
峒峒霄漢間  
天風摩鵲鶴  
浩劫鎮羸寰  
結攬八牕達  
登臨一晌閒  
俯凭雲海幻  
竭爾憶金山

風篁清聽

竹近水則韻益清涼  
颼暫至蕭然有涓濱淇澳之  
想

水木翳然處  
端宜植此君  
每因機慮息  
常有靜聲聞  
鸞戛風中籟  
龍飛月下文  
王冢多子弟  
應爾獨起羣

鏡影涵虛

泉至前除匯為平池澄泓見底荇蓼羅羅輕條如  
空中行洑流沸出若大珠小珠錯落盤中

濟上曾流憩珍珠故此如淙淙常漱玉朗朗鎮涵虛曲  
折千廊繞團圞一鏡儲寧無於水鑑絜矩試憑諸

裂帛湖光

山東麓為裂帛湖昔人謂泉從石根出溢為渠者  
是也由昆明湖放舟以達園中傍岸置織局桑疇

映帶有中吳風景

湖名傳日下此日偶重題  
穀影風前裂機聲煙外低  
噉喁樂鰈鯉翔翥集鳧鷖  
詎止歌清濁還因會莞倪

雲外鐘聲

園西望西山梵剎鐘聲遠  
近相應寒山夜半殆不足  
云

靜室花宮側鐘聲發上方  
隔雲音越迥警俗意彌長  
似共天花落何殊梵偈揚  
七條如可悟不必問真常

翠雲嘉蔭

雙栝鬱然並峙相傳為金源時植元吳師道玉泉  
詩有云長松古檜見未有殆即是耶因樹為屋故  
以嘉蔭為名

古栝金源種雙株尚鬱然適因構閒館堪以悟齊年翠  
影虛牕外寒濤敞座邊夷齊名塞上

丁卯巡塞外逾僧  
機圖嶺之南古松

雙幹並峙命之曰續詠欲增前  
夷齊松作歌紀之

鄒一桂菊華秋實

都云秋實勝春華畦徑今看別一家也祇金英方合稱

兜羅綿手恰拈花

畫有佛手

董邦達霜林蕭奇

一夜霜吹楓樹枝於蕭淡裏越丰姿翠岩若問相應處

正是眉毛拖地時

錢維城溪亭秋色

笠亭四柱曉秋新樹有風情山有神懷抱正如天共遠

獨思宋玉彼何人

慢成畫筌

於求似忌太求真不薄今人愛古人

用杜句

腹鮮詩書豈

有韻筆饒刻畫也無神

長河泛舟進宮

視朝詎數典勤政每厪予率已隔時久欣茲值雨餘川  
途遡遊宛黍穰鬱蔥如慰後思前此憂勞正未虛

萬壽寺小憩

去去言尋靜者論岸傍宛在化人園雨涼生袂權辭扇

漲水浮船送到門  
綠濯假山越蔥蒨  
白垂細瀑旋潺湲  
我非元度無僧答  
題句空還意自存

詠玉環

象天含動靜秉地具柔剛  
賜得孤臣喜遊中  
達士狂渾然去圭角  
穆若謝章相  
無數唐宮艷華腴  
正不妨

題金粟牋

蔡左徒曾紀傳聞  
晉唐一片擬卿雲  
鋪牋見此代猶宋  
試筆慙他鶯換羣  
蒸栗底須誇玉色  
青蓮仍自隱經文



用之不竭非奇事金粟如來善化云

詠古一首

惟儉者不貪此理夫人曉世服王陽廉恠奢何顛倒既  
為奢人妻奚至竊啖棗樹完去婦還無乃太節矯

禡花

禡花匝琳階雨後爭嫵姣丁星復黻約態較春園好譬  
如苧蘿野端勝金屋窈漉露炫珠簪迎風拖翠標秋意  
夫幾許愛此占秋早惜時復此心晰理殊難曉

短歌行

似是而非事不可偶王貢彈冠咸惻結綬纓征雖同公  
私異陽禹喭喭多讜議陳朱行詐終無濟拔茅無別匪  
至計

討源書屋對雨

憑牕雲脚落纖絲  
睫眼傾盆漲曲池  
剛覺炎曦蒸邇日  
恰欣涼雨沛乘時

雲容聚散渾無定  
雨勢濃疎最有情  
便合作霖應益妙

晚田率已遍新畊

問

安每此傳餐便旋復疇咨引席珍都道邇來賜雨若持  
盈勗爾倍生寅

舊園八景

一亭一沼爰靜神遊之鄉非壑非林自足天成之  
趣此中大有佳處物外聊爾寄情不為嵩山之比  
方偶效右丞之格調

朗潤齋

機緘合希夷，水木呈明翠。  
銀塘橫半畝，萬頃煙波意。

湛景樓

樓臨內外湖，地高望斯遠。  
湛然虛且明，絮矩出治本。

菱香泚

風前度彌靜，雨後香益清。  
彷彿吳興岸，菱歌唱晚晴。

青蓮朶

藍瑛碑側石，名之青蓮朶。  
介示無去來，默傳忘物我。

別有天

總此一大內謾稱別有天  
達人請坐井匪我古已然

韻天琴

石激出淙乳儼中宮  
商音我不解搜醅而愛韻天琴

標勝亭

笠亭據假山亦足云標勝  
設擬宣城蹟合得謫仙詠

委宛藏

境以曲折幽中宏  
延外廣尺宅含寸田  
至人貴知養

漾舟昆明湖

平明宿雨收却暑漾華舟荷芰馥露氣漪瀾增漲流宛  
在風來涼若濟波乘浮空翠落湖心叢碧猶峰頭天水  
相與澄報我行臨秋

翠雲堂

背枯山堂號翠雲松杉間植合同羣好風端自樹中得  
古寺遙從嶺外分得句底須希六代讀書祇合展三墳  
坐來謾謾簷端遮弘景何殊向所聞

詠相風

長統繫雞羽五兩古所稱後人善增華易以金鳳形金  
鳳或失重五兩或失輕於今用絹囊動靜隨風呈轉旋  
利覘候取携便行程每因厓稼穡恒以占陰晴竿頭自  
止息那識對者情

紀事

職方掌馬政今古稍異制上駟育天閑驪黃六飛備司  
馬設京館惟用供驛致芻秣費良厚厯減十三四其數

猶八百園官或竊饋馬食人食之碑兀半僵斃存者僅  
三百率弗可乘騎夏卿覺其然白簡付吏議剔奸爾已  
能務實我尤切叫一再減何妨莫擬過苛細三百茲僅  
存不聞郵政廢奚獨飽貪囊不為節用計乃有作難者  
亦頗中去聲時勢賴馬食者多減馬人將逮貢禹疏曾讀  
謂其言精詣小試已扞格今豈非昔世匪慕漢文為探  
賸聊紀事

夜雨朝晴



夜雨朝晴良苗怒生朝晴夜雨秀寔禾黍農家者流常  
咨詢穉苗頗欲稍旱云根深蒂固乃逢雨勃然興可致  
如雲譬彼危患智多達又如沃土無佳民我聞此語理  
或然望澤萬目邇俄延於時利沛大轉旋西成尚遙敢  
忘前劬農惟益勵乾乾

題董邦達萬卷書樓

秀木嘉陰綠竹稠芸編萬卷置層樓高人默坐翻經笥  
寧數當年有鄴侯

習射示衆

畫長無事綠陰勻  
肄射親將侍衛臣  
右詘左支尊國俗  
端身繹志美先民  
箭飛欲引涼風拂  
弓滿如迎秋月新  
貞觀猶傳殿廷習  
可忘本色遜唐人

六月廿九日作

夏萸數葉落三週  
節未行秋月逮秋  
赤帝送來婪尾熱  
綠雲兆出稱心收  
從占德暑何須避  
轉惜分陰擬且留  
一日平分消半歲  
象臺欲報火西流

七月朔日

嬋代速於郵金莫一英抽雨行將送暑風到便知秋移  
竹曦光漏擎荷露顚流宣毫及江硯素節詠從頭

溪亭雨霽

陣雲猶是夏峰尖嘉靈傾盆盡滌炎藍蔚天光忽澄霽  
無邊秋意一時添

題張宗蒼畫

縈迴山隱碩人邁谷口何當有客過不是彈冠結綬輩

往來樵斧雜漁蓑

飼魚

琳池雨後波紋恬  
錦鱗千頭畫水曉  
育物亦以示旌別  
不褻敗類鯉與鮎  
飯餕餅麴無不可  
投之羣至紛喁噉  
長竿曲鈎却無事  
憑臨兼可人情占  
怯者少得而瞥逝  
貪者屢噉仍無厭

昆明湖攬景

試探新秋信因來  
山水間有風爽滿  
目過雨黛凝鬟波

意將呈澈雲容欲就閒綠塍消息好私幸慰民艱

景明樓

長堤紆屈界明湖上有層樓綠樹扶高下珠簾全倒映  
東西玉鏡各平鋪天光水態披襟袖岸芷汀蘭入畫圖  
比似岳陽應不讓范家記語最塵吾

清可軒

雨足濃皴一屋山天葩仙藥非人間是中消夏宜長住  
笑我無過暫往還

夜雨

枕上驚雷殷地鳴  
倏聞靈雨注簷傾  
明知涼滌十分暑  
恰喜潤乘三日晴  
早忝方將爭怒長  
晚蒼率已遍新畊  
邇來時若真私慶  
前此邨忘顓望情

題鄒一桂畫

晚浦芙蓉慘淡紅  
珍珍鋤立綠楊風  
何須點筆為長賦  
看取秋光滿眼中

晚晴即景

膏雨沃禾根，裊雲歛天末。夕陽西山西，霞光殷一抹。  
影翻鴉背花，姿艷秣陵韞。鑑波喜朗澄，披宇寄寥濶。  
銅雀欲喧鳴，望慰三農渴。

詠假花

風前不散香，霜後豈落瓣。兩全信矣難，萬種任其幻。

泛月

最愛金鰲月，閒移玉鏡舟。目同初兔潔，心與素秋謀。  
露芰香吹遠，風螢影度浮。去年即此夕，舉首盼西流。

題張宗蒼畫二首

春景

誰治春山面伊人乃獨工竹依盤谷綠桃帶遠村紅折  
簡招裴迪蹋花歌白翁東臯喜時雨有渰正濛濛

秋景

天淡雲閒候秋光觸眼新季鷹貴適志王粲早傷神疊  
巘樹開錦垂厓水迸銀浣花如屬詠興寄曲江濱

聞蛩



在野秋蟲發清響月明如水一聲新無端聽者應惆悵  
況復多經哀樂人

七夕六韻

白帝蕭秋屈黃姑佳會傳推遷自天運離別亦神仙何  
處曝衣閣誰家乞巧筵屏張雙兔鼓盆閉小蛛錢邨覓  
龜龍鏡宜親翰墨篇高吟杜工部早著祖生鞭

對雨

七月  
八日

細灑復繁注飄蕭爽氣浮洗車真有雨辭扇早知秋池

穀紋如疊簷琴韻轉悠晚來雲影散更喜素蟾流

讀杜詩漫題

冷炙殘杯覓今來古往包惟應瘡鬼避邨免謫仙嘲嶽  
望窮青魯堂成蔭白茅達人命多滯難擬問義文

立秋日六韻

秋月立秋日秋光滿意添披襟風有力却蓋日無炎頓  
覺蟬聲亮不嫌蟲韻纖花容搖錦綺雲影散帷檐荷葉  
擎銀汞梧梢露玉蟾晚來微雨霽恰好應農占

農占立  
秋日雨

而即晴為

豐收之占

江山秋霽歌題張宗蒼畫

他人之畫畫其法宗蒼之畫畫其理求之於今幾莫儔  
求之於古竟堪比黃大癡倪高士之二子中得神髓是  
時火流西風起應節搆此盈丈紙正旗堂陣大差排探  
脅雕肝細模擬天欲高而蔚藍樹欲鳴而染紫有如洗  
之碧山更帶之以流水石厂倚巖板約接溪柴扉間出  
水閣斜迤氣霽神來百務爰始細徑歸樵無反裘斯可

矣策杖訪客則有抱琴之童子坐竹牕者伊誰非龐德  
公乎是則山陽高平而已眇蒹葭之蒼蒼想風人之深  
旨蝸廬若浮彼緯蕭者寧善賈之可市遠帆天末掛孰  
謂非太白當年無恙秋風是上下數千年縱橫一萬里  
我曾一覽江山真面目故知新秋霽景應如此

立秋後題

代謝不相假一夜變節序炎官被蒸溽金風送何所朝  
來天宇晶曦影上牕戶蟬亮有繁聲燕去無留羽協時

喜澄霽驗農思相輔

襍詠

淮南謠斗粟周詩詠閭閻天倫本同根何至相殘傷長  
枕及大被聞之李三郎友愛斯足矣煮藥乃荒唐豈其  
乏使令鬚燃謂無妨徒博花萼美何救蜀道長焦竑失  
取裁養正猶稱芳

題張宗蒼李白詩意圖

宣城縣即宣城郡永安橋接鳳凰橋謝朓李白兩人物

前呼後應相逍遙會心何必定會面秋朝端復勝春朝  
寄問高樓今在否意存我獨陵雲標

和江文通襟擬詩三十首

有序

稽夫擬古之作平原振其先聲康樂揚其盛藻迨  
文通雜體上溯西京下迄劉宋名章傑構略云備  
矣夫緣情之製各寄性靈將沿流以討源亮殊途  
而異軌賞音者博綜以示區分寄興者擬議而成  
變化譬觀樂風敷於列國嘗鯖味致於五侯斯固

大雅足尚諒非小技所嗤也。比以西稔可期勅幾  
多暇披荷風於水軒書史樂志研蕙露於清書筆  
硯親人遍和舊題志仍前韻彼之託詠陳篇因攄  
厥抱予惟不參已意各肖其人至雜擬卅篇醴泉  
自無專作而離別一首枚叔本在懸揆因以屬淹  
轉用為殿

李都尉

從軍

陵

言念先將軍義勇羞閑宴徒因失貴臣扼腕揮血霰送

子當遠行努力酬稱薦綢繆藉樽酒應有重相見寧終  
各東西伯勞及飛鷺

班婕妤

詠扇

持彼并剪刀裁此齊紈素規以圓如月障之隔似霧即  
看秋欲新寧辭夏為故篋衍非棄捐涼蟾在高樹君王  
玉輦過曾是辭陪路

魏文帝

遊宴

曹丕

載攜文墨友言遊芙蓉池琳瑯度錦廳其芳左右披叢



木亦喬枝高山亦峻嵯淥波迴轉間中有行舟隨共興  
為豪遊何必相參差行樂貴及時秉燭休辭疲不見彼  
駒隙已過安可為畢景漾川陰明月復出林詎云效長  
夜聊用歡同心

陳思王

贈友

曹植

昔我在魏都德輝仰圭璧今我居鄆城離羣守邸宅義  
惟金蘭固情詎濶睽薄於時臨凜秋錦樹率搖落念子  
愁先填紆愁登綺閣引領忽北望乃益增愁若况子多

芳辭不數金與縷雙鯉倘有惠酬贈吾當諾願言勵初  
志相期在薇藿

劉文學

感遇

楨

松生桃李中碌碌難為色嚴節霏素霜始見貞幹直深  
感賜剪拂遂得託鱗翼善任更蒙私不離翰墨職填委  
敢賢勞惟懼虛車飾日晏稍釋閤結攬城西側長川欲  
濟之波瀾不可測

王侍中

懷德

粲

炎劉遭厄運豺虎紛西京逝將適荆蠻喟然背井情涇  
渭洧清濁伊洛復縱橫英雄乃崛起一掃氛埃清小草  
附大木竊幸託纖莖士為知己心未言淚先零鄴都儼  
熙皞將致海寓平吾輩何匡濟並命榮簪纓樽侍旨  
酒芝蓋臨層城惟應占拔茅底用哀浮萍願言駐羲御  
莫向崦嵫傾馳驅奉明時亦藉貽鴻名

嵇中散

言志

康

嚴鄭雅慕道柳孫迴絕塵軒軒霞舉徒豈必非我倫即

欲乘枯槎駕言浮海濱猶恐耦畊者笑我曾知津以此  
隱市鄺含弘且遊神良時復有酒肴核亦襟陳痛飲信  
何妨誰能禮束身幕天席地間放浪全吾真神仙無大  
藥世界如宿賓散髮聊優遊安用恒戚辛平生喜山公  
今知非達人自見慕章甫強我希垂紳

阮步兵

詠懷

籍

鷺雀籬落翔黃鵠雲霞飛羽翼各有用問君當安歸烈  
夫徇名譽辯士爭是非舉事百或多成務一已希方將

飲醴泉安顧嚇鼠微

張司空

離情

華

金律動蟋蟀忽然鳴階墀涼風既拂戶清月復鑑帷佳  
人愁幾許有如綠雲絲當鏡不理粧為誰脩容滋孰謂  
方寸心乃擁萬里思萬里行可盡寸思終無期

潘黃門

述哀

岳

逝水送流年驚風飄疾日人生分至此萬事一以畢少  
小誦關雎窈窕友琴瑟雙栖翰林烏中路隻具一冀覲

終無逢傷神若有失誰能少君術令我晤芳質當筵每  
忘餐披衾率不寐不寐神宵冥夢中如遇形了知是幻  
緣安能通性靈紆軫陟東阜泣灑雞汁銘埏側委敗葉  
阡隅積落英就車緬歸途迴顧恨難平

陸平原

羈宦

機

無能遠營道方將近託身博望既承命桑梓當辭親去  
去遵北渚遙遙眷南津脩途束輦厲輕車越梁陳朝為  
田野民暮為講讀臣承華多俊髦率昔鄒枚人追隨頗

自慙俯仰向三年僕夫駕我車散慮循洛川因之望故鄉紛紆莽秋煙沉思鬱誰語慨歎私自憐抗懷二疏傳超哉非偶然

左記室

詠史

思

昔聞東陵侯種瓜隱青門全身復全名翹景馳神魂博望奉明詔西去窮河源天馬大宛來鑿空最蒙恩桑梓或匪重金紫或匪尊天機薄者流頗復艷朱軒客卿西上書季子北陳言聶政暴韓市田光刎都門長嘯非我

徒永言樂邱園

張黃門

苦雨

協

商羊儻其翼黑蜨出於渚山雲低屋簷水衣生柱礎胡  
不雨春朝而每霖秋序寥寥曲突煙十家九不舉輪聲  
聞楚然惠臨嘉賓侶談高託義皇情深詎秦楚推憲眇  
浩浩青天以為佇

劉太尉

傷亂

琨

素宇懸金曦胡乃翳雲霧韋未淪鹿逐條已成虎據三



世倚國靈詎敢辭勞驚渭濱一釣叟非熊西伯遇受金  
盜嫂人乃被無知舉今日堂堂來昨日冉冉故如彼太  
虛間浮雲瞥眼度少小識祖生共宿荒村路聞雞非惡  
聲曉月在高樹所期嗟何就枕戈空百慮勁風隕實朱  
華霜點鬢素時哉待人為未可諉定數

盧中郎

感交

謚

伯牙及鍾期交因絲桐器何事咸博輩結綬期致位猥  
蒙廁羣賢常羞非其匹綏彼狐白裘其皮信非一逢榮

固不期遇厄遑有恤顧慙鴻腹背損益何得失負擔本  
州役四境幸寧謐未增晉陽壘詎抑秦兵出邈哉千里  
塗不騁駑蹇賢終當謝榮華遂茅守蕭瑟赫赫雖無名  
悠悠亦多逸願志潛山澤鍊玉餐瓊實

郭弘農

遊仙

璞

遊俠慕京華肥遯戀泉石一以弊精魂一以駐神魄暮  
擷紫芝英朝飲玉露液茅龍或可騎直上青雲隙安期  
遺我棗如瓜色凝碧永言託煙霞翹企佳客脩仙當

早辦試看蜉蝣迫

孫廷尉

襟述

綽

混沌質之始形色初未兆如何之二子鑿竅俾其天涉  
言已失之况言而未了吾羨蒙莊子獨能與世矯斯人  
已仙去知音曷其少披髮偃山中落落喬松老浪迹任  
天真亦不云脩道輝輝東岡上一輪秋月皓對之無一  
事何必太元草託志在返初用心即鄰巧高蹈溟海垠  
日日狎青鳥

許徵君

自序

詢

大塊復何為勞我以形像巖谷素所耽紳黻非所賞飲  
河及巢林知足可長往采藥煉水碧餘生庶能養雲林  
石為室既靜復虛敞翠巘即丹梯攝體飄然上仙者四  
五人吹笙弄瓊響授我黃庭經內脩非外獎筌蹄盡擺  
脫煙霞寄蕭朗迴顧金張輩哀哉沉世網

殷東陽

興嗣

仲文

蕭晨聊行遊言尋山水趣颯然澄翠間賞心於此遇森

森多長松列植襍衆樹百尺擢寒條挺然識貞素  
鱖生何足齒猥首預機務早貽匈奴哂豈有貢生  
慕逝將投吾簪抗節遺萬慮

謝僕射

遊覽

混

環洲窮窈窕絕壑探清整駕言命巾車退食出蘭省  
素心契九秋目與天水永黃華發幽崖綠柯蔭高嶺  
俯仰得所欣西峰銜落景偃憩御閭軒涼蟾懸夜靜  
曾是耽寥寂所好性各秉折麻寄知音聊以當歌郢

陶徵君

田居

潛

五斗信懷慙歸去來田陌富貴豈不佳人生各有適前路問征夫素職恨將夕三徑五柳間南山見疏隙上壽百歲鮮於何勞物役農人咨畊耘婦女工紡績衣食要自謀待人亦奚益

謝臨川

遊山

靈運

素志遊名山五嶽不可缺於茲得靈境將無為我設著屐隨高低策杖陵幽絕雲障鬱深沉天池湛澄澈既以

淹昏旦遂欲窮昧晰崇峯疊峻素節澹寥汰石門杳  
難攀巉巖相糾蔽玲瓏蹇瑤林清淺涉雲汭海鶴傍松  
閤山鼠驚人逝如拳薜蘿花其色白於雪丹砂訊經泉  
銅乳訪洞穴疑逢王喬侶霞標弄明滅塵世莫可羈相  
期泛海滢蓬萊設身歷將為後來說

顏特進

侍宴

延之

閭闔啟黃圖澗瀍環赤縣樂遊古佳麗曲水今聞見蜚  
雲闕紫宮象極崇丹殿既以導清和亦云避霜霰傾聆

悅瀏泚縱瞬賞蔚擣堯樽周三巡舜樂叶九變惟應方  
鎬飲寧復數汾宴冠劍侍岳牧圭璧集侯甸咸覩鳳凰  
儀屢奏卿雲見扈陪引席珍升降聯蟬弁微臣凋朽質  
猥蒙迴顧眄云何答高厚遂自忘踈賤飽德銘肺肝獻  
藻非瓊瑱願言歌九如衷忱庶因薦

謝法曹

贈別

惠連

朝辭富春湄暮駐浙江汭丈夫志四方安能永無別會  
面應有日灑淚休霑袂獨是飄飄舟逝將冒風雪風雪



嚴冬時宵長懷所思執手送君際明春以為期既至獨  
歸來踟躕半信疑皇州春色滿鶯嬌桃李滋桃李滋紛  
若久寧追銷鑠倡樓錦繡風開簾引輕薄向秉尾生操  
兼厲季布諾願子勿耽歡林泉永幽託幽託何所勤古  
道悅今人雲生赤石頂波浩滄海濱已具木蘭舫將子  
撰良辰元君在蓬萊石橋寧待陳待陳彼徒勞共君為  
雲遨探竒麟鳳洲蹇秀芝蘭皋悠然散胸懷希夷樂陶  
陶仙字不可讀綠篆鐫青瑤

王徵君

養疾

徵

榮衛失和調膚腠乏華滋遠非杞人憂寧懷左師悲去  
來信天命徙倚臨秋墀銀鬣入虛牕金颺拂素帷幽意  
與之然寧使方寸緇岐扁不常有洪羨詎可期恬懷聽  
造物紆緒聊成詩

袁太尉

從駕

淑

天經重追遠祭義嚴求元周王甲子旦漢帝枌榆年萬  
騎龍遊雲千乘水流川式度百辟隨昭明三辰懸前驅

屬長江後隊苞鍾山建旆既悠悠伐鼓亦淵淵觀風辨  
歌謠展義惠市廛家無凍餒貧戶有詩書絃匏占申景  
慕衢樽燕光天祥飈隨斗車湛露濡玉筵左史執筆後  
太師抱律前徵招義誠合希共八風宣

謝光祿

郊遊

莊

言攜芝蘭侶載遊巖谷陰翠山以秋高綠水以秋沉值  
此節序佳輕橈待江潯沿曲乃盡妙窮源遂入深捨舟  
復就陸攀蘿踐層岑雲間淨紛緒蟬亮遺豪音翻風葉

霏錦泣露菊綻金蕭瑟臻太虛冷然獲我心信可樂天  
倪誰容外務侵

鮑叅軍

戎行

昭

仰首瞻天宇櫓槍夜有光致身當赴公豈辭去故鄉荷  
戈便為枕眠甲涼於霜主將愛士卒每食分粟漿襲急  
貴夜行銜枚厯羊腸誰能辨旌旗安容問穹蒼腐儒株  
守經徒言將饑荒涉川棄便舟何日成輿梁抱子猿孤  
哀驚弓雁獨傷都尉聞之訶鄙言篋中藏

惠上人 怨別

休


素節引人傷況經懷別哉三秋信已如曾無尺簡來登樓聊驚望對景自徬徨蜀月猶然孤楚雲終未開淒涼博山鑪寥蕭玉鏡臺鴛帳久弗塞曲瓊滿積埃何當歌聿至一寫莫訴懷

江文通 古離別

淹

莫悲生別離脩途況玉關送君未云去問君何日還身非湘竹枝淚痕何團團含情默無語歲晏愁節寒愁來

曷有涯同心而濶離願為連理樹尚有相背枝願為影  
與形依倚兩不移



御製詩二集卷四十二